

STATE OF QATAR

National Council for Culture, Arts and Heritage
Department of Culture & Arts

دولة قطر

المجلس الوطني للثقافة والفنون والتراث
إدارة الثقافة والفنون
قسم المسرح
وحدة التوثيق

استمارة مسرحية

اسم المسرحية : قرية الزهور ☆ مسرحية رقم (٢)

تأليف : عبد الرحمن الطناعي

إخراج : عبد الرحمن الطناعي

إنتاج وتقديم : فرقة الدوحة المسرحية

مكان العرض : مسرح قطر الوطني

تاريخ العرض : ١٠/١/١٩٩٥ ح

عدد العروض : ١٧ عرض

عدد الرواد : ٣٩٠٨ متفرجا

ملاحظات ☆ مسرحية للأطفال

سجده للمسرحية انه قد تمت من خلال مسرح الاضواء
قبل دسج الفرقة المسرحية عام ١٩٩٤ ح
في مهرجان العاشر لثقافة الطفل بمدينة الشارقة
وعرض اخرى بمدينة ابوظبي

عبد الله
وحدة التوثيق

الرجاء عدم حذف هذا الملف

STATE OF QATAR

National Council for Culture, Arts and Heritage

Department of Culture & Arts

دولة قطر

المجلس الوطني للثقافة والفنون والتراث

إدارة الثقافة والفنون

قسم المسرح

وحدة التوثيق

استمارة مسرحية

اسم المسرحية : قرية الزهور * مسرحية رقم (٣٣)

تأليف : عبدالرحمن المناعي

إخراج : عبدالرحمن المناعي

إنتاج وتقديم : فرقة مسرح الاضواء

مكان العرض : مدينة الشارقة ومدينة ابوظبي *

تاريخ العرض : ١٩٩٤

عدد العروض : ١٧ عرض

عدد الرواد : ٧١٦٧

ملاحظات : * مسرحية للأطفال

* المسرحية لم تعرض في الدرعه واغا شاركت في المهرجان العاشر
لثقافة الطفل بمدينة الشارقة ومن ثم عرضت في
مدينة ابوظبي

عبدالله المناعي
وحدة التوثيق

(قبل دمج الفرق المسرحية / فرقة مسرح الأضواء

عروض الدورات من ١٩٩٤/٣/٢٠ الى ١٩٩٤/٤/٣

عروض الدوم على خشبة مسرح قطر الوطني

١٩٩٥/١٠/١ حتى ١٩٩٥/١١/٢٠

قرية الزهور

مسرحية للأطفال

تأليف وإخراج / عبد الرحمن المناعي

الدولة فبراير 1994

(بعد دمج الفرق المسرحية) فرقة مسرح الدوحة

عروض الدوحة: تم عرض المسرحية على خشبة مسرح قطر الوطني

بتاريخ ١٩٩٥/١٠/١ حتى ١٩٩٥/١١/٢٠

قرية الزهور

(في قرية تقع بالقرب من الجبال يسكنها اناس يعيشون على زراعة المحاصيل الغذائية ويسود علاقاتهم الحب والتعاون .. يحدث ان يهاجم القرية قطاع من الذئاب الذي يتسلل للقرية الهادئة فيعيث في ارجائها ويفترس الحيوانات الاليفة)

(نجمة فتاة من القرية تعيش على زراعة الزهور وبيعها على الطريق العام الذي يمر بالقرية .. والممثلة التي تقوم بدور نجمة تقوم بدور الراوي للأطفال .. تسير لمقدمة المسرح)

هذي قرية الزهور ... قرية حلوه .. والناس اللي فيها حلوين وايد .. متعاونين يحبون بعضهم واهم من كل شي يحبون عملهم .. هذي القرية تعيش على الزراعة وتربية الحيوانات .. وفي القرية مجموعة لطيفه وايد ايسمونهم اطفال القرية .. عفوا اهم مب اطفال يعني اصغار في السن لا .. لكن اهم تعودو من زمان ان يكون الفرحة والمرح مفتاح عملهم ونجاحهم (اصوات تأتي من الخارج) مثل ماتسمعون .. والحين يا اطفال احنا في قرية الزهور وفي يوم من الايام وقبل لاتطلع الشمس

(موسيقى)

نجمة

اشرقى هيا اشرقي في سماء المشرق
شمسنا ذات النقاء والخليج الازرق

اشرقى عصفورة ترتقى هام السماء
وتشع الخير فينا والتسامح والنقاء
نحن والشمس وهذي الارض دوم اصدقاء
اشرق الحب جمالاً هيا يا شمس اشرقي
(يشترك في الغناء باقي الممثلين الذين يتوافدون على
خشبة المسرح تعبر ملابسهم عن مهنهم)

اطلعي يا شمس ونوري هالبلد
قالو في الامثال من جد وجد
والارض محتاجه زندك يا ولد
والزهرة ماتكبر لو ماتنسقي

اشرقى هيا اشرقي في سماء المشرق
شمسنا ذات النقاء والخليج الازرق

يا شمس لا تحرقين ابيتي
عقب الظلام يام السفر رديتي
بركض قبل ماتطلعين
وبزرع الارض بحنين
وبتغرد اطيور الفرح
وانتي بسماج تتسمعين
(بعد نهاية الاغنية تنصرف نجمة يستوقفها حمد)

وین یانجۃ ؟	حمد
الشمس اطلعت .. والارض اتناديني .	نجمة
وشخبار الورود ؟	حمد
اذا مالحت عليها بتذبل .	نجمة
مستعجلة	حمد
طبعاً .. مافي شي يأخرنني عن عملي .. وبعد اشوي بتمر السيارات والناس .. ونجمه لازم اكون سلتها متروسه من الورود والزهور وانت ؟	نجمة
انا البارحة جمعت كل محصول البرسيم والحين انتظر الشاحنة علشان اوديه المدينه .	حمد
عيل روح لعملك وخلي روح لعملي .	نجمة
(يخرج حمد مسرعا .. ونجمه تنصرف من الجهة الاخرى يستوقفهما صوت جاسم وقاسم وهم اصدقاء نجمة وحمد يرتدون اقنعة مضحكة)	
(للأطفال) مثل ماقلت لكم اول ماتطلع الشمس الاصدقاء الثلاثة .. (مستدركة) لا قصدي الاصدقاء الاربعة لانه نجمه وياهم .. قبل كل يوم عمل يجتمعون في ساحة القرية ويمارسون لعباتهم المسلية وعقبها كل يروح حق شغله .. اللي هناك حمد مزارع نشط وعنده مزرعه عوده وحيوانات كثيره وهو ريال يحب ان يطور نفسه ويكبر شغله دائم .. وهاك جاسم ويسمونه اهل القرية الراعي لانه عمله رعي الاغنام والخرفان .. عنده قطيع من المواشي كبير وجاسم ايعاملهم معاملة جيدة وكل يوم يحاول يكتشف مراعي جديده .. علشان هالشكل الله منعم عليه ويبارك له في حلاله ...	نجمة

اما اللي اتشفونه هناك فهذا اهو الحداد قاسم ...
 (يجسدون بعض المشاهد الصامتة المضحكة .. بعد
 انصرافهم .. نجمة تلحق بهم وتعود مسرعة)
 اسمحوا لي نسيت اقولكم عن نجمة .. نجمة تزرع الزهور عندها
 حديقة كبيرة من الورود والزهور تعتني بها كثير وفي كل صبح
 تجمع سلة كبيرة من الزهور وتوقف على الشارع العام اللي يمر
 بالقرية وتبيع الزهور والورود للناس اللي يعرفون قرية الزهور
 ويحبون ورود نجمة وزهورها .. واللحين اسمحوا لي لانه الشمس
 بتزعل مني لاني تأخرت على شغلي ..

(يستوقفها صالح المتردد)

نجمة .. نجمة .

خير ..

اولا صباح الخير .

صباح النور ..وثانياً ؟

هذي بذور طماط وهذي بذور شمام اي احسن ازرع طماط ولا
 شمام .

اسأل ابوك ولا عمك اهم افهم مني ومنك .

بس انا اقول يعني .. يعني بذور (يستمر في تردهه بينما
 نجمة تتسلل خارجاً .. وعندما يكتشف ذهابها يجري
 خلفها منادياً) نجمة .. نجمة .. الحين شلون اعرف اذا كان
 الطماط احسن ولا .. ولا بذور ؟ انا نسيت اسم هذي البذور
 عيل لازم ازرع البذور اللي نسيت اهي ابذور شنهو وانتظر لين
 تطلع وتكبر واعرف اهي بذور ايش والله مشكلة انا دائم عندي
 مشكلة وكل الناس في شغلهم ولاحد يساعديني .. خلاص انا اقول

صالح

نجمة

صالح

نجمة

صالح

نجمة

صالح

ابذور باميه .. ها لا اكيد بذور فاصوليا (شخص من خارج
المسرح يكرر نهاية كلماته يخاف) يمه شنهو هذي لا انا
اقول هذي بذور قرنبيط ... هذا مب صوتي .. من انت ؟ من هناك
.. اكيد يتراوالي اللحين لازم اعرف هذا بذور طماط ... وهذي
ابذور .. اكيد يذور باذنتجان ها جان بسم الله الرحمن الرحيم
.. لازم اشوف منهو هذا اللي يبني يخرعني (يبحث في ارجاء
المسرح ويجد [فزاعة من خشب]) عرفت انتي يافزاعة .. ليش
تبين تخوفيني ؟ لا وتاركة شغلج ونايمه .

تعبت يا صالح طول الليل وانا واقفة في البرد .. قلت ارتاح شوي
وحمد يدري انج نايمه ؟

(بخوف) حمد لا مايدري .. ارجوك .. ارجوك ابعد ها الكيس
عني ماحب ريحة بذور الشمام.
شنهو ؟

اقولك ماحب ريحة ابذور الشمام .
انتني احسن فزاعة في الدنيا وعلشان انتي شاطرة وعرفتني ابذور
الشمام مراح اقول حق حمد انج كنتي نايمه وتاركة شغلج .. وبعد
اذا تبيني اخليج ترتاحين اكثر قولي لي احسن ازرع بذور الطماط
ولا بذور الشمام ؟

اول بعد ابذور الشمام عني .
(يرمي كيس البذور بعيدا) يالله بعدته عنج يالله قولي لي .
ازرع الشمام لانه موسمه .. واللحين اوعدني انك ماتقول حق حمد
لا ماقله

عيل رجعتني مره ثانيه مكاني. (يحمل الفزاعة للخارج
وعندما يعود يفكر في كلام الفزاعة)

الفزاعة

صالح

الفزاعة

صالح

الفزاعة

صالح

الفزاعة

صالح

الفزاعة

صالح

الفزاعة

ازرع الشمام احسن صح انا قلت الشمام احسن عيل خلاص اروح
ازرع الشمام (في طريقه للخارج ناسياً كيس بذور الشمام
.. تدخل نجمة تحمل سلة زهور)

ياورد يامحمدي .. ياسمين .. فل .. خذ لك ورده .. (احياء بوجود
شارع وسيارات ونجمة تمارس عملها بهمة ونشاط ..
تلاحظ وجود كيس البذور على الارض تلتقطه) هذا بذور
شمام .. ها هذي يذور صويلح .

(يدخل قاسم مسرعاً)

قوه يانجمه

هلا قاسم

ليش واقفه ؟ الورود والزهور خلصت ؟

لا بس حصلت هذي الكيس .

اشفيه ها ؟ فلوس فلوس .

لا يايبه هذا كيس صالح المتردد فيه بذور شمام .

بذور شمام .. (ينصرف ويعود لها) اليوم صنعت احسن جرس
وباعلقه على باب المدرسة

طبعاً قاسم احسن حداد في قرية الزهور

لا ارجوك في كل القرى

لاتزعل في كل القرى .. لكن انت اللحين وين رايح ؟

نسيت اقولج ان الفحم خلص وباروح حق فضل الحمار ايبلي كم
جيس فحم . (يخرج)

مع السلامة ... حياكم على الورد الزين .. حياكم على الفل
والترجس والياسمين .

(اصوات سيارات ونجمة تمارس عملها بهمة ونشاط وبعد

صالح

نجمة

قاسم

نجمة

قاسم

نجمة

قاسم

نجمة

قاسم

نجمة

قاسم

نجمة

قاسم

نجمة

ذلك تعود للمسرح وسلتها خالية وهي متعبة .. يدخل
حمد وهو يحصي النقود التي في يده .. ويدخل جاسم
الراعي .. نشاهد قاسم يمر في الخلف يحمل كيس من
الفحم)

قاسم اساعدك	جاسم
ما تقصر شكراً	قاسم
ما خلصت شغل اليوم	حمد
باودي كيس الفحم وبارد لكم	قاسم
بعث البرسيم يا حمد	نجمة
الحمد لله	حمد
وانا اليوم .. يافرحتي .. يافرحتي .	جاسم
قول عاد وشصار ؟	نجمة
خميسه .	جاسم
خميسه !!	حمد
خميسه عنزتي العزيزه .	جاسم
شفيها ؟	نجمة
ولدت .. يابت لي تيس وسخله .	جاسم
تستاهل	نجمة
يتربون في عزك .	حمد
ها ...	جاسم
قصدي يتربون في حظيرتك . (يدخل قاسم الحداد)	حمد
انا رجعت .	قاسم
بارك حق الراعي .	نجمة
جاسم حبيبي مبروك .. مبروك . (يحتضنه بحرارة) تستاهل	قاسم

تستاهل مبروك .	
اتعرف على ايش تبارك له ؟	نجمة
اعرف .	قاسم
اتعرف ؟	جاسم
نعم اعرف ... جاسم شعنده غير جميعه يابت تيس .. ورده يابت	قاسم
اسخله وخميسه يابت اثنين .	
انت ساحر .	جاسم
لا بس انتة ريحتك مب حلوه ريحة مواشي غنم خرفان .	قاسم
وانتة ريحتك فحم .	جاسم
وحمدا شنهو ريحتة ؟ (يدورون حوله)	نجمة
انا اقول ريحتة برسيم .	قاسم
غلط .	نجمة
غلط ... ريحتة ريحتة اكيد ريحتة طين وسماد .	جاسم
هذي ريحتة كل يوم بس اليوم ريحتة فلوس	نجمة
فلوس وينها ؟	قاسم
انا اليوم بعث محصول البرسيم وبكره باروح باشتري سماد	حميد
وبذور علشان ازرع .	
وانتي ريحتج	جاسم
انا اقول ريحة نجمه ورد	قاسم
قل	حميد
ياسمين	جاسم
(يلاحظون دخول صالح المتردد وهو يبحث عن كيس	
البذور)	
وينك ياكيس الشام (قاسم يردد نهاية كلمته) يمه رجع لي	صالح

الصوت مره ثانيه .. انا ادور بذور الشمام (يستمع للصوت
مرة اخرى) لا اكيد هذا واحد ببى يخوفني ..

شتدور يا صالح ؟

ها .. انا ادور ابذور الشمام

مام مام

انت اللي اتخرعني ؟

لا انا كنت رايع ايب الفحم وحببت اضحك وياك .

علشان انتة من اطفال القرية .. لكن الفزاعة قالت لي ان اللحين

موسم الشمام .

الفزاعة ؟ وانت وين شفتها ؟

ها ...

قول الصحيح يا صالح .

الح الح الح ..

قولي له لايسويلي هالشكل

بس يا قاسم .. يالله رد على سؤال حمد وين شفت الفزاعة ؟

انا ... نا ...

انت شنهو ؟

انت رحت مزرعتي ؟

لا بس انا .. (يحاول الانصراف) باروح ادور كيس البذور ..

بس اول اتقول لنا وين شفت الفزاعة ؟

اقول الصبح ؟

الصبح وبس

انا حصلتها نايمه هناك .

نايمه .

نجمة

صالح

قاسم

صالح

قاسم

صالح

حمد

صالح

حمد

قاسم

صالح

نجمة

صالح

نجمة

حمد

صالح

حمد

صالح

نجمة

صالح

حمد

وعلشان قلت الصبح .. هذي اهي بذور الشمام . (تناوله كيس
البذور)

الفزاعه نايمه

لكن ماقلتوا لي ازرع بذور الطماط ولا بذور الشمام ؟
(ينصرفون عنه) ياجماعه ياجماعه .. ازرع الطماط ولا الشمام .
(يخرج خلفهم)

وهالشكل تمر ايام قرية الزهور عمل وحب وتعاون الكل سعيد
والكل فرحان وفي ذيك الليلة صار شي غريب .. شي يخوف .. اهل
القرية كانوا يستعدون للنوم بعد يوم عمل .. اسمعوا ...
(هجوم الذئاب على القرية تنفذ بطريقة فنية سينما او
خيال ظل ... عواء وصراخ .. واستغاثات .. وفي صباح
اليوم التالي حمد وجاسم يدخلان المسرح)

ياخسارة ماكنت تعتقد ان بيصير هالامر ..

اعيال خميسه الاصغار الحلوين ماتهنو بحياتهم .. قتلتهم الاذيابه .
خربوا زرعنا دمرو ارضنا .. كان ابوي ايقول لي ان الذئاب رحلت
من حول القرية من زمان ومن يوم اطلعت السيارات والشوارع
خافت وهربت للجبال البعيدة لكن اللي صار البارحة .
البارحة ماقدردنا انسوي شي .

وشنسوي يا جاسم احنا ماتعودنا على مثل هالامور .. وما كنا
حاسبين حسابنا على ان حيوانات مفترسة تهاجم قريتنا ..
ايا على عنزاتي اللي راحو .. ايه على خرفلني ..

ماخلو مكان في القرية .. وخاصة ان الكل يود بيته من الخوف .
وشتبيهم ايسوون من يقدر يطلع ايقاوم اكثر من مائتين ذيب
هاذول متحدين مع بعض مسعورين .. ايا على عنزاتي

(يدخل قاسم وبيده بعض القطع الحديدية)

وين نجمه ؟ وين نجمه ؟

خير يا قاسم وشصار ؟

اهل القرية للحين خايفين كل ايطالع حلاله .. اللي زرعه تلف
واللي مواشيه انقتلت ..

الذئاب مع الفجر رجعت من مكان مايات .

وشللي يمنعهما ماترجع الليلة

ترجع الليلة

طبعا محد في هالقرية كان يعتقد ان بيصير ها اللي صار محد
كان مستعد ايواجه الطوفان اللي صار البارحه .

لكن نجمه وين ؟

تحصلها تبكي على حديقة الازهور الذيابه ماخلوا مكان ما خربوه

انا باروح ادورها (تدخل نجمه تسير حزينه وبيدها غصون

وورود ذابله)

الشمس اطلعت على العاده لكن الامر مختلف .

نجمه ..

الذئاب المفترسة ماعدت تفرق بين الحيوانات والنباتات وحطمت
كل شي ..

لازم انفكر في عمل

احنا انفكر في مقاومة الذئاب ؟

ولا من يقاومهم اناجر ناس ايقاومونهم من بدالنا .

بس احنا متعودين على الزراعة والرعي الاهتمام بالارض ..

وعمرنا ما فكرنا ان احنا انحارب اوناقتل .

بس اللحين لازم انتحرك والذيابه ماراح يخلون لنا شي

قاسم

حمد

قاسم

حمد

قاسم

جاسم

حمد

قاسم

جاسم

قاسم

نجمة

حمد

نجمة

قاسم

جاسم

حمد

جاسم

قاسم

بيدمرون ارضنا وبيقتلون كل مواشيننا .	
انا اعتقد ان هالقطيع مار مرور وماراح ايهاجمنا مره ثانيه .	جاسم
وشللي اياكد لك هالكلام .. واذا اھجموا علينا مره ثانيه شبنسوي	حمد
ها .. ؟	
شنسوي ..	جاسم
ماعاد في وقت للتردد .. لازم انفكر .	حمد
انا قررت اني اصنع مصايد ونوزعها في مداخل القرية .. ولازم	قاسم
ابدأ اللحين وابيكم اتساعدوني .	
كم فح بتسوي يا قاسم خمسہ .. عشرہ .. والذئاب مئآت .	نجمة
لا هذا مب حل احنا انتكلم عن اهل القرية اللي الحزن والخوف	
مسيطر عليهم .. لازم انفكر بشكل افضل انسوي شي يضمن لنا	
حماية ابیوتنا واملاكنا ولا اذا هالقطيع هجم علينا مره ثانية	
ماراح يخلي شي .	
انا اقترح ... (يتبادلون الحديث والقتراحات بينما نجمہ	جاسم
تسير لمقدمة المسرح)	
قرية الزهور تعرضت لي اول هجوم للذئاب المفترسه ولانهم	نجمة
ماتعود على ها الامر احتارو كثير في الحل وشلون يقدرول يمنعون	
الخطر عن قريتهم . حمد وقاسم وجاسم الراعي ومعهم بياعة	
الزهور نجمة راحو واجتمعوا مع اهالي القرية وفكروا شلون	
يحمون قريتهم من الذئاب .	
(تخرج نجمة واصدقائها الثلاثة .. بعد قليل يدخل صالح	
المتردد .. وبيده الفزاعة التي حطمها قطيع الذئاب)	
انا كنت رايع اعتذر لج يافزاعه علشان انا علمت حمد عليج وخفت	صالح
لا يعاقبج .. لكن الذبابه لحقوني .. ركضت بسرعه ودخلت بيتنا ..	

وضاعت بذور الطميط والشمم ... مسكينه يافزاعة .. الذيا به
المجرمين كسروا اعظامك .. لكن ولا يهمج انتي فزاعه طيبه وصالح
بيصلحج وبتردين مثل الأول ..

(اصوات من الخارج تستفسر عن نجمة والورود)

وين بياعة الورود ؟

اليوم مافيه ورود .. الذئاب خربوا قريتنا ... نجمة ماتبيع
الزهور اليوم .. (يعود لمحادثة الفزاعة) مسكين حمد لا كل
اهل القرية مساكين قطيع الحيوانات المفترسه دمروا القرية
وانتي ياعزيزتي انا باشتري لج شعر جديد وملابس احلى من الاول
(تتكرر الاصوات مره ثانيه) قلت لكم الذئاب هاجمت قريتنا
البارحه .. واحنا كلنا مشغولين .. انفكر اندور حل حق ها المشكله.
(يدخل صاحب الصوت الاخير وهو قناص صائد
الحيوانات المفترسه الذي يبيع جلودها لتجار الحيوانات)
هلا .. هلا .. قلت لي مافي زهور اليوم .

لا مافيه .

وليش يا صديق ؟

انت ماتدري ان الذيا به هاجموا قريتنا البارحه ..

والله ... ذيا به صجيه ؟

عيل فيه اذيا به اتهاجم قريه لوما كانت صجيه .

كم واحد يعني خمسه عشره ؟

اسمع هذي اقولك قطيع كامل يمكن مثنين ذيب .

حلو ..

ها !

لا اقول وايد والله .. ومته اجموا عليكم ؟

صوت من الخارج

صالح

قناص

صالح

قناص

صالح

قناص

صالح

قناص

صالح

قناص

صالح

قناص

صالح	يمكن نص الليل ..
قناص	تمام تمام ..
صالح	شنهو اللي تمام .
قناص	لا اقول يعني انت شسمك ؟
صالح	انا صالح ..
قناص	الله وهذي الفزاعة صديقتك يا صالح ؟
صالح	ايه بس الذبابه كسروها .. مزعوا اثيابها .
قناص	مسكينه اسمع يا صالح انت تعرف هذي شنهو ؟ (يشير
	لبندقية المعلقه على كتفه)
صالح	لا ... (يتأمل البندقية) وهذي شنهو ؟..
قناص	لا هذي لعبة .. لعبه نعم هذي لعبه ... (يحادث نفسه) هذي
	اللي اتيب الخير هذي اللي اتخليني اصيد الحيوانات واسلخ
	جلودها وابيعها بفلوس كثيرة ... اسمع يا صالح
صالح	انا صالح اشفيك انت ..
قناص	اسمع يا عزيزي صالح .. انا مامريت اهنيه انساني مع السلامة
صالح	شفيه ها الريال !!؟
قناص	انت قلت لي نص الليل اتيي الذبابه ؟
صالح	نعم .
قناص	عيل مع السلامة .. (يخرج قناص .. وهو يرقص فرحاً)
صالح	اكيد هذا مجنون .. (تدخل نجمة واصدقائها)
نجمة	اهل البلد وافقوا على اقتراح اطفال القرية ببناء سور من الخشب
	والاسلاك .. يفصل مابين القرية والجبال .
جاسم	الوقت يمر ولازم نبدأ فوراً .
قاسم	اهل القرية كلهم مستعدين للعمل .

عيل وشننطر يالله نتوكل على الله ونبدأ .	حمد
يالله يا صالح احنا محتاجين حق الجميع ..	قاسم
يالله يا صالح خل الفزاعة تولي وتعال معانتة علشان نحافظ على قريتنا .	حمد
والفزاعة ؟	صالح
لين قدرنا نمنع قطيع الذئاب من الهجوم على قريتنا بنعالج الفزاعة .	قاسم
وانا باعطيك بذور شمام من بدال اللي ضيعتهم .	حمد
عيل يالله يا جماعة .. اهل القرية بانتظارنا .	قاسم
(ينصرفون بهمة ونشاط .. تسير نجمة لمقدمة المسرح)	
اهل القرية يا اطفال قرروا ان يبنون سور من الخشب والاسلاك حول قريتهم .. ومثل ماشفتوا قناص صياد الوحوش عرف حكاية الذئاب من صالح .. قناص يا اطفال مهنته ان يصيد الحيوانات وياخذ جلدهم ايبيعه على تجار الجلود في المدينه الكبيره ... اهل القرية استمروا في عملهم وبعد ساعات	نجمة
(يدخل جاسم متسلل يسير بخوف)	
ها ياراعي اشوف رجعت ..	
ها	جاسم
اشفيك تعبتي	نجمة
لا بس بعد اشوي بتغيب الشمس وانا خايف يانجمه	جاسم
اذا كلنا خفنا عنزاتك وخرفانك بتخلصهم الذيا به ..	نجمة
ايه عليهم .. بس شاقدر اسوي ..	جاسم
تتعاون مع اهل القرية ..	نجمة
بس القرية كبيره واللحين بيصير الليل ولا خلصنا نص السور .	جاسم

احنا لازم نتعب ونحاول .. احنا في حالة حرب يا جاسم .
(يدخل باقي الاصدقاء)

مب جاسم بروحه .. كل اهل القرية خايفين
نعم ومن قرب المغرب وكل اشوي واحد يهرب لبيته والصور يبيله
شغل وايد .

وانا تعبت وايد ..

تبون نستسلم .

لا ياتجمه بس احنا مانقدر نجبر الناس .. بعدين ..

اسمعوا كلكم احنا لازم نحذر اهل القرية من الخروج الليلة ..

بس انتوا ليش متأكدين ان الذبابه بترد الليلة .

ولازم انحذرهم بعد من ترك حيواناتهم خارج الحضائر واللي
ماعند حضيرة يدخل حيوانته داخل البيت ..

وانا بوذي الفزاعه تنام معاي في بيتنا .

عيل يالله انروح اندور في القرية ونحذر كل الناس .

ولاتنسون تشعلون النار يمكن تبعد الذبابه .

(يخرجون)

اول يوم السور اللي اهل القرية بدوا يسونه مخلص وصار الليل
كل اهل القرية الزمو بيوتهم وتحصنوا داخلها وكانت الهجمه
الثانيه لقطيع الذئاب .

(يتكرر مشهد هجوم قطيع الذئاب نشاهد مشاعل النار
بقرب ابواب منازل القرية ويدخل قناص ببندقيته
وضحكاته العاليه وخلفه مرافقه شديد وفي الصباح)

ها ها ها .. ثلاثة اذيابه كبار حلوين .. حلوين انا قناص الذكي ..
الله هذول يسون لهم عشرة الاف ريال .. ياحلو الذبابه ... وخاصة

قاسم

حمد

صالح

نجمة

حمد

نجمة

جاسم

حمد

صالح

قاسم

نجمة

نجمة

قناص

إذا هجموا على ناس مغفلين مثل اهل ها القرية .مصلحة قناص
في استمرار هجوم الذئاب على القرية ... حلو كل ليلة ثلاثة ولا
اربعة باصير مليونير .. اسمع خذ ود ها الذيا به السيارة ...
واسمع ود البندقيه بعد السيارة بسرعة ... وانتو (موجهها خطابه
للاطفال) انا مالي دعوه بصيد الذئاب ... انا ريال مار بقرية
الزهور وابي اشتري ورد من عند نجمة

(يدخل جاسم وقاسم .. بينما قناص وتابعه يبتعدون في
طرف المسرح)

وبعدين يا قاسم اذا الذيا به كل ليلة يهجمون على قريتنا ماراح
يخلون لنا شي ليلتين وكل ليلة يقتلون اللي يقتلون ويخربون
ارضنا وزرعنا .. ليش ماتكلم يا قاسم ليش ماترد ..

وشتبيني اقول ..

وليش اتصارخ ...

ماعليه يا جاسم انا مقهور .. يالسين انشوف هالحيوانات تقضي
علينا واحنا ساكتين ..

لكن احنا بنينا السور ... وبعد اشوي اهل القرية بيصحون
وبنكمل بنيان السور ...

يبنون السور .. يعني بيمنعون الذيا به من الدخول في القرية ...
وانا ماقدر اروح للحيوانات في الجبال .. الاغبياء بيضيعون علي
الفرصة الذهبية . (صوت ينادي من الخارج)

يا اهل قرية الزهور الكل يستعد لازم انكمل السور اليوم الكل
يستعد للذهاب لحدود القرية الكبار والصغار .. كل واحد يقدر على
العمل يستعد .. يا اهل قرية الزهور ... (يتكرر النداء ..
يدخل حمد ونجمة .. وخلفهم صالح)

جاسم

قاسم

جاسم

قاسم

جاسم

قناص

قاسم ليش قاعد ..	نجمة
انا مقهور على عجزنا عن مقاومة هالحيوانات المفترسه .	قاسم
لا احنا مب عجزانين .. احنا بدينا في بناء السور واليوم لازم	نجمة
انكمله .. وساعتها بنحصن قريتنا من هجوم الذبابه او اي	
حيوانات .	
يارب اتساعدنا على اكمال بناء السور اليوم .	جاسم
عيل يالله نتوكل على الله	حمد
(يستوقفهم قناص) يابياغة الزهور ابي باقة فل .	
اليوم مافيه ورد يا سيد ..	نجمة
انا محب .. نعم محب الزهور والياسمين ..	قناص
بس ياسيد محب الزهور والياسمين ما تنمو مع الذبابه	حمد
والوحوش .	
اعوذ بالله ذبابه ووحوش .. علشان هالشكل انتي ماتبيعين ورود .	قناص
نعم وكل اهل قريتنا يحاولون يمنعون الذبابه من الهجوم على	نجمة
قريتنا .	
جميل .. جميل .. ولقيتوا الحل للقضاء على الوحوش المفترسه ؟	قناص
نعم احنا بنينا سور حول القرية خشب واسلاك .. واليوم بنكمل	صالح
السور ..	
نعم يالله ياجماعه احنا نسينا السور	حمد
عن اذنك ياسيد محب	نجمة
بس سمعوني اول .. انا عندي حل يمنع هجوم الذبابه عنكم .	قناص
(تسير نجمة لمقدمة المسرح بينمل نشاهد مناقشة	نجمة
صاخبة بين قناص واهل القرية) قناص يا اطفال حاول يقنع	
اهل قرية الزهور انهو يبيعهم بنادق مثل اللي عنده .. ويعلمهم	

اشلون ايصيدون الذبابه وبالتالي يستفيد من صيد الحيوانات ..
لكن اهل القرية ..

لا ياسيد محب احنا مانريد انجازف باعمارنا في الليل ومع بنادق
احنا ماتعلمنا عليها .. احنا يكفيننا منع الذبابه عن قريتنا .
نعم هذا راينا كلنا ..

عيل يالله ياجماعه نتوكل على الله .. (يخرجون)

لا مب معقول فرصة ذهبية راحت عليك ياقناص .. اسمع يا شديد
احنا لازم انروح نرتاح اللحين ننام اكيد الليلة بنصيد اكثر من
البارحة .. (شديد يشير له بحركة تعني السور) لا ما اعتقد
انهم بيقدرون يكملون السور .. واللييلة بتهجم الذبابه وقناص
بيشتغل ببندقيته يالله ياشدشد للنوم والراحة وخل المغفلين
يشتغلون .

(يدخل صالح والفزاعة) انا متأكد يافزاعه هذا اهو الشخص
اللي قالني عن شي معلق على كتفه ... واكيد الاصوات اللي
سمعتها البارحة كانت من ذاك الشي اللي يسمونه البندقية ..
هذا الريال امبين عليه شرير ويمكن له علاقة بالذبابه ...

(تضحك) شلون يعني اهو صديق الذبابه ؟

مادري والله بس امبين عليه شرير واكيد وراه شي ...

(ضجيج من خارج المسرح ويدخل الجميع فرحين بانجازهم
بناء السور)

عيل كل واحد يروح يرتاح الليلة وبنشوف اذا كانت الذبابه تقدر
تدخل قريتنا ولا لا .

انشاء الله ماتقدر .. لاني مليت من ريحة الفغم والخرفان طول
الليل .

حمد

قاسم

تجمة

صالح

الفزاعة

صالح

حمد

جاسم

قاسم	ليش وانت وين حاط قطيعك ياراعي ؟
جاسم	معاي .
قاسم	معاك وين ؟
جاسم	معاي في غرفة النوم .. كفايه اللي كلوهم الذبابه .
نجمة	عيل يالله اشعلوا المشاعل وادعوا الله ان يمنع عنا شر قطيع الذئاب ..
	(يتكرر المشهد الليلي .. نسمع صوت الذئاب فقط ولكن لا نشاهدها .. قناص وشديد يبحثان عن الذئاب)
قناص	لا .. لا هذا قهر اشلون قدروا ينجحون ويبنون السور ويحطمون احلام قناص الصياد اكبر صياد حيوانات في العالم .. لا انا لازم اسوي شي .. نعم لازم اسوي شي (شديد يشير له تجاه الجبال) لا ياشدشد شلي يوديني الجبال .. ا هناك ابلاد الوحوش . والذبابه اتي بريولها لين عندي لكن ها المتاعيس اقطعوا رزقي .. يالله ياشديد .. لازم اندور حل ..
	(مع طلوع الشمس اهل القرية يتوافدون على ساحة القرية فرحين بانجازهم)
قاسم	اللحين نقدر نرد حق اعمالنا ..
جاسم	واقدر انا بروحي بدون الخرفان والغنم ..
حميد	نعم اللحين كل شي بيرد مثل ماكان ... ياجماعة كل يروح لشغله ونصلح كل اللي خربوه الوحوش المفترسه لازم انتعاون اكثر علشان قرية الزهور ..
نجمة	طول النهار واهل القرية الطيبين يعملون بجد واجتهاد .. مستانسين لانهم قدروا يمنعون الذبابه من دخول قريتهم .. ويوم صار المساء اجتمعوا في ساحة القرية يحتفلون بنجاحهم .. لكنهم

مادروا بالشرير قناص اللي مستفيد من هجوم الذبابه على قرية
الزهور ويوم فشل في اقناعهم ببيع البنادق .. نفذ خطته
الشريرة ..

(قناص ومساعده وفي يدهم معاول) واللحين وبعد ماهدمنا
السور نروح نستعد لليلة الجميله لازم انصيد اكثر من خمس ذيايه
.. خل هالقرية الاغبياء يفرحون ...

الليلة بنام بدون ريحة المواشي .
حمد ممكن تخلي الفزاعة تنام عندي الليلة ؟
بس الليلة يا صالح لانها لازم ترد على عملها بعد ماعم السلام
قريتنا .

شكراً يا حمد .. الفزاعة تونسني وخاصة من الاصوات الغريبة .

صحيح يا قاسم انت سمعت صوت ؟

نعم تذكرت انا سمعت مثل صوت المدفع ..

والعجيبه اني شفت بعض الدم على الارض .

هذي دم عنزاتي وخرفاني ..

خلاص اللحين كل شي انتهى وبنام في سلام ...

(يخرجون ويتكرر ما يحدث في الليلة الاولى .. ونشاهد

قناص ومساعده شديد وهم يحملون بعض الذئاب

ويخرجون فرحين يتوافد اهالي القرية فزعين)

شللي صار يا جماعة ..

شلون ادخلت الذبابه مره ثانيه

حمد حمد ثلاث خرفان وعنزتين وتيس يا حمد .. راحوا راحوا ..

اكيد السور فيه فتحه .

حديقتي خربتھا الذبابه داست على زهوري ..

قناص

جاسم

صالح

حمد

صالح

حمد

جاسم

قاسم

جاسم

حمد

قاسم

حمد

جاسم

قاسم

نجمة

صالح	زين ان الفزاعة نامت ويأي ..
قاسم	سمعتوا الطلقات ..
الجميع	نعم سمعنا ..
حمد	هذا اكيد السيد محب اهو الوحيد اللي غريب عن قريتنا
نجمة	دائماً يمر يشتري الورود ويروح الجبل .
صالح	وعنده شي ايلقه على جتفه .
قاسم	بندقية .
حمد	والصوت اللي سمعناه اهو صوت البندقية ..
نجمة	اكيد السيد محب له يد في الموضوع .
جاسم	من بدال ما نيلس انتكلم انروح انشوف اشلون دخلوا الذبابه
حمد	وشصار في السور .
نجمة	نعم لازم انعرف وشصار في السور .
	(يخرجون)
قناص	واستمر هالحال اهل القرية ينامون ليله امنين وفي الليله الثانيه
نجمة	يكسر قناص السور وتدخل الذبابه القرية اهل القرية اعرفو ان
	في حد يحطم السور .. وعرفوا ان تصليح السور كل مره مو هو
	الحل علشان هالشكل فكروا في طرق تحمي السور .. واطفال
	القرية نجمة وحمد قاسم وجاسم فكروا كثير في وسائل لحماية
	قريتهم وهالشكل صارت قرية الزهور قريه خايفه هدف للذئاب
	المفترسه. (في طريقها للخروج يدخل قناص وتابعه شديد)
قناص	اريد ورد قل يا احلى بياعة زهور في الدنيا .
نجمة	سيد
قناص	محب .. محب الزهور والورود .
نجمة	بس انت تعرف ان احنا في مشكله .

الذبابه ؟	قناص
نعم .	نجمة
قلت لكم بس انتوا ماتسمعون الكلام ..	قناص
وشقلت لنا ياسيد محب ؟	نجمة
القوه يابياعة الزهور ماتغلبها الا القوة .. والذبابه مايوقفها	قناص
سوركم الضعيف .	
سورنا وقفها ياسيد محب .. لكن هناك يد حطمت السور .. يد لها	نجمة
مصلحة في دخول الذبابه قريتنا .	
يد .. يد من يابياعة الزهور ...	
الله اعلم لكن اهل القرية مصرين على منع دخول الذبابه وايضا	نجمة
ماراح يشترون منك البنادق ...	
انا مابيع بنادق يابياعة الزهور .. بغيت اساعدكم ... (يحادث	قناص
نفسه) بيبنون السور مره ثانيه ... بكسره مره ثانيه ... انا	
قناص .. قناص الصياد نعم صياد الوحوش .. مساكين اهل القرية	
اغبياء ... عيل ماعندج قل .. خسارة انا احب الورد .. وخاصة	
الورد الابيض رمز السلام والمحبة (يضحك) مع السلامة يابياعة	
الورود .. (يخرج .. بينما نسمع ضجيج من الخارج ..	
تخرج نجمه وتعود مسرعة وخلفها اطفال القرية)	
خلاص يانجمة حصلنا فكرة جميله تبعد عنا قطيع الذئاب .	حمد
قاسم الحداد عبقري قدر يسوي جهاز عجيب يساعد السور في منع	جاسم
الوحوش .	
لكن ياجماعه انا اعتقد ان مشكلتنا مب مع الذبابه بروحها .. انا	نجمة
اظن ان السيد محب له يد في الموضوع .	
الجهاز مب لمنع الذبابه السور منعهم .. لكنه لمنع اي شخص	قاسم

يحاول تخريب السور .	
اسمعوا يا اطفال احنا متأكدين ان السور قدر يمنع الذبابه من الهجوم على قريتنا .. ولكن هناك شخص يكسر السور واحنا مب متأكدين منهو .	حميد
علشان هالشكل قاسم الحداد قدر يصنع هالجهاز العجيب وهو اللي يمد الاسلاك اللي في السور بقوة كهربائية يصدر عنها اشعاع يمنع اي شخص من تخريب السور ...	جاسم
احنا نبي نحتفظ وياكم بسر الجهاز وششلون يشتغل .. اللحين بيصير الليل وكل القرية بتروح اتنام وها الجهاز الموصل بسور القرية بنحطه اهنيه واي واحد من اهل القرية او منكم يا اطفال اذا شاف شخص غريب يتجول في الليل ...	قاسم
وخاصة الريال الغريب اللي اسمه محب .	نجمة
لازم يصرخ وبشكل قوي ويقول : الشر ابعيد .	حميد
نعم يصرخ واللي يسمعه يصرخ معاه ويقول : الشر ابعيد .	نجمة
احنا جربنا الجهاز وماباقي الا انحنا نفتح اعينه عدل ونتساعد كلنا ... السور بيمنع الذئاب من دخول القرية ..	قاسم
وجهاز قاسم الحداد بيمنع اي شخص من الاقتراب من السور .	حميد
ومكان الجهاز ا يكون سر من بينا .	نجمة
والكلمة اللي بتشغل الجهاز هي : الشر ابعيد .	جاسم
صلحنا السور .. وقاسم سوا لنا هالجهاز العجيب ..	حميد
يا جماعة الشمس غابت .. كل يروح بيته وبنشوف شيصير .	نجمة
(يخرجون .. يتكرر ما يحدث في الليالي السابقة اصوات الذئاب تأتي من بعيد .. يدخل قناص وتابعه شديد)	

قناص

ياالله يا شديدي دور .. انا اسمع اصوات الذبابه .. لكن اهم وين ؟
يا وحوش اطلعو ياكم قناص الصياد ملك الوحوش ... انا اسمع
اصواتهم بس اهم وين ؟ دور يا شديدي .. انا بندقيتي جاهزه ...
(شديدي يشير له بوجود السور) يعني قصدك انهم بنو
السور مره ثانيه .. لا لا لا هذول مغفلين اشلون يعطلون عمل
قناص ... انا ماقدر اروح الجبل هناك الوحوش يخوفون لكن
اهنيه اقدر اصيدهم بسهولة وانا منخش ورا هالبيوت ... ياالله يا
شديدي لازم انروح انشوف السور لازم انحطم السور علشان الذبابه
تدخل ويبدأ قناص في الصيد .. ياالله يا شديدي .

(يخرجان بينما تتسلل نجمة وحمد الى مقدمة المسرح)

ياالله يا اطفال حمد قول لنا اذا قناص وصل السور ..

استعدي يا نجمة ...

وانتوا استعدو ..

الشر ابعيد

الشر ابعيد .

(مؤثر اشعاع .. صراخ قناص ودخوله المسرح وخلفه
شديدي يجريان بخوف والدخان يتصاعد منهم .. نجمة
وحمد يضحكان .. يخرج قناص وتابعه وتصحو القرية
ويتوافد الناس لمعرفة ما حدث)

الظلام كان شديدي بس ..

هذا اكيد السيد محب من اول ماشفته وانا اقول ان له يد في
الموضوع .

وشصار يا جماعة من اللي صاده الاشعاع ؟

نجمة

حمد

نجمة

حمد

نجمة

حمد

نجمة

جاسم

اثنين مب واحد ..	حمد
منهم ؟	جاسم
محب وتابعه .. السور منع دخول الذبابه ..	نجمة
واعتقد ان السيد محب كان يبني الذبابه تدخل القرية علشان اهو	حمد
خواف ومايقدر ايروح الجبل وهنيه يحتمي ببيوت القرية ..	
ويعرف ان الذبابه تهجم علينا بأعداد كبيرة ..	
مادري من قال حق قطيع الذبابه عن عنزاتي وخرفاني .. حد دازها	جاسم
علي ..	
بس اللحين امننت شرهم ياراعي ..	حمد
واقتكيت من ريحة الخرفان . (يدخل قاسم)	جاسم
انا تأكدت من السور ومن الاسلاك .. واللحين خلونه انتأكد من	قاسم
الجهاز .. اسمعوا باعد من الواحد الى الثلاثة وبعدها انقول كلمة	
السر علشان نتأكد من صلاحية الجهاز .. يالله واحد اثنين ثلاثة	
الشر ابعيد (يصدر اشعاع في خلفية المسرح) واللحين اقدر	الجميع
اقول لكم ان الجهاز ممتاز ..	
عيل من اليوم لازم انفتح اعيونه اكثر ونحذر من السيد محب .	نجمة
بنحتاج للعمل اكثر حتى انرجع كل شي مثل ماكان .	حمد
وعنزاتي اللي كلوهم الذبابه شلون بيرجعون ؟	جاسم
الله يعوضك عنهم خير ياراعي .	قاسم
عيل خلونا نبدأ هالصباح بهمه ونشاط ونتوكل على الله ..	نجمة
الشمس اطلعت وانا بوقف الجهاز عن العمل ..	قاسم
عيل يالله صباحكم ورد وياسمين وتوكلوا على الله ..	نجمة
(يخرج الجميع .. وبعد لحظات يدخل صالح ومعه	
الفزاعة)	

خلاص يافزاعه حمد يبيح اتردين للحقل علشان تحرسين الزرع من
الطيور ... انتي ونستيني وايد ..

صالح

وانا اشكرك على كل شي صلحتني واشتريت لي ثياب جديده .

الفزاعة

ايه بس انا كل يوم بازورچ في الحقل ..

صالح

(يدخل قناص وتابعه شديد يسيزان بخوف وحذر)

هيه .. انت .. ايه انت تعال .

قناص

عرفت انت راعي البندقية .

صالح

اسمع يا فالج .

قناص

انا قلت لك انا اسمي صالح وهذي الفزاعة صديقتي .

صالح

نعم صحيح صحيح ... انا اسف يا صديقي .

قناص

(يشير للقماش الذي يلف يد قناص) وشلي سوا فيك

صالح

هالشكل ؟

ها والله مادري كنت اطبخ وحرقتني البخار ..

قناص

وبعد صديقك احرقه البخار ؟

صالح

اسمع يا صديقي ... وانا في المدينه سمعت ان اهل قرية الزهور

قناص

اذكيا قدرو انهم يمنعون الذبابه من دخول قريتهم ...

لا ونقدر نمنع اي واحد من تحطيم السور اللي بنيناها .

صالح

عجيب وشلون ؟

قناص

(يضحك) قاسم الحداد قدر ايسوي جهاز يصدر اشعاع يحرق

صالح

اللي يقرب من السور ..

الله والله انه عبقرى ..

قناص

طبعاً .

صالح

وشلون يشتغل ها الجهاز ؟

قناص

يشتغل بس في الليل لانه الذبابه ماتهجم الا في الليل .

صالح

قناص	لا اكيد انتوا ناس اذكيا و ايد .. بس ماقلت لي شلون يشتغل ؟
صالح	يشتغل لين الناس الطيبين قالو له كلمة السر ..
الفزاعة	(تحاول اسكاته) بس يا صالح ..
قناص	جهاز يشتغل بكلمة السر ؟
صالح	طبعاً .. قاسم ذكي وهو يبي يمنع الناس الشريرين من الاقتراب من السور مو الناس الطيبين .
قناص	وها الجهاز وين موجود ؟
صالح	ماقولك .. هذا سر ..
قناص	ايه بس انا صديقك .
صالح	لا .. لا ماقولك .
	(قناص يخطف الفزاعة من صالح ويسلمها لشديد ويمسك بصالح بقسوة وعنف)
قناص	اسمع اذا ماقلت لي وين مكان الجهاز باكسر فزاعتك ..
صالح	لا مب قايلك ..
قناص	باكسرها قطعه قطعه ..
صالح	ارجوك اتركنا انروح ..
قناص	اذا تبني تروح .. قولي الجهاز وين محطوط ؟ .. ماتبني اتقول زين عيل شوف فزاعتك وشبيصير فيها .. ياشديد اكسر يد الفزاعة (شديد ينفذ الامر وصالح يبكي)
صالح	لا ارجوكم ارجوكم .. الفزاعة مالها دعوه ..
قناص	واللحين بتقول ولا لا .. شديد اكسر اليد الثانيه ..
صالح	لا لا باقول ..
قناص	ياالله قولي يا حلو وين الجهاز ؟
صالح	هناك (يشير لمكان الجهاز)

(يضحك .. يتقدم ويأخذ الجهاز ويحطمه .. شديد يرمي

الفزاعة بينما صالح يولول)

اسمع قول حق اهل القرية الاغبياء .. انا قناص الصياد محد يقدر

يضحك على (يخرج قناص وشديد بينما تدخل نجمة وحمد

من الطرف الاخر)

صالح وشفيك ؟

مب هذا السيد محب اللي كان معاك ؟

هذا مب محب هذا اسمه قناص صياد الحيوانات المفترسه تاجر

الفرو .

وشكان يبي منك ؟ (صالح يبكي)

قول يا صالح قناص الشرير وشسواى لك ؟

تكلم يا صالح ..

كسر الفزاعة ..

بس ليش ؟

علشان اعلمه عن مكان الجهاز ..

مكان الجهاز .. وعلمته ؟ (صالح لا يرد) علمته يا صالح .. ليش

ليش قلت له .

لانه بيكسر الفزاعة ..

واللحين شالعمل .. (ينادي) يا قاسم .. يا جاسم يا اهل قرية

الزهور (يدخل الجميع)

اسمعوا يا اهل قرية الزهور .. احنا عرفنا ان اللي وراها القصة

الشرير قناص ..

وقدر يضحك على صالح ويحطم الجهاز .. وهذا معناه انه بيحطم

السور وببخلي الذبابه تدخل قريتنا مره ثانيه .

قناص

حمد

نجمة

صالح

حمد

نجمة

حمد

صالح

نجمة

صالح

نجمة

صالح

حمد

نجمة

حمد

جاسم	ايه على عنزاتي .
نجمة	اللحين عرفنا ان احنا مانحارب حيوانات ماتفهم نبني سور ونمنعها من مهاجمتنا ..
حمد	صح احنا اللحين انحارب انسان اختار ان يستفيد من مصيبتنا ها الانسان عنده عقل يدبر .. واحنا لازم انفكر شلون انقاومه .
صالح	انا السبب سامحوني .. سامحوني .. انا خفت على الفزاعه .. ارجوكم سامحوني .
نجمة	خلاص يا صالح الحزن ماينفع اللحين .
قاسم	نعم احنا لازم انفكر في حل لمشكلتنا ..
جاسم	قناص قدر يحطم الجهاز والسور لازال بيحمينا من قطع الذبابه .
قاسم	ومع ذلك لازم انفكر في حل للموضوع .
حمد	عيل لازم نجتمع مع اهل القرية (يخرجون)
نجمة	اجتمعوا اهل القرية وتكلمو وايد .. اقترحو امور كثيره واخيراً قدروا انهم يتوصلون لفكرة حلوه ... وابتدو يخططون لتفيذها لكن دخل عليهم الليل وكلا راح بيته يدعون الله ان يبقى السور سليم وماتهمج عليهم الذبابه ... شوفوا شللي صار ...
قناص	(يدخل قناص وتابعه) الحين ياشديد نحطم السور ولين صار نص الليل نبدأ في صيد الذبابه الله الليله باصيد عشرين واحد .. يالله انحطم السور .. (يدخل رجلان ملثمان يدخلان من الطرف الاخر يتسللون في الظلام قناص يختبئ) سكان القرية اغبياء كلا راح بيته ونام . واحنا حططنا السور .. وبعد اشوي بتهجم الذبابه الجميله .. نعم وبتشغل بندقية ماهر القناص .
الرجل ١	
الرجل ٢	
الرجل ١	

قناص	ماهر القناص .. يعني فيه واحد غيري عرف بسالفة الذيا به .. لكن مايهم الذيا به وايد .. لا والمغفل وفر علي تحطيم السور .. عيل اسمع ياشديد نختبي اهنه لين تهجم الذيا به .
الرجل ١	نعم نختبي اهنه لين تهجم الذيا به .
الرجل ٢	اهل القرية مساكين نايمين مايدرون بالدنيا ..
قناص	وانتوا بعد ماتدرون بالدنيا .
قناص	(اصوات الذئاب ويتكرر مايحدث في كل ليلة .. يخرج قناص من مخبائه .. يبحث عن الذئاب)
قناص	وينهم .. وينهم ماشوفهم ادخلو .. يالله ياشديد دور ..
نجمة	(يخرج الرجلان اللثعان ويصوبان بنادقهم تجاه قناص وتابعه بينما اهل القرية يدخلون بالمشاعل)
حمد	ونجحت فكرتنا .
قاسم	نعم قناصين القرية اقدروا يضحكون على قناص .
قناص	واللحين تبني انقطك ورا السور علشان اتصيد الذيا به على راحتك.
جاسم	لا ارجوكم .. ارجوكم توبه .. خلاص توبه .
صالح	انت اول عندك بندقية لكن احنا خذينا بندقيتك .. وبنشوف اشلون بتصيد الذيا به .
جاسم	انا اقول انربطه اهنه ونروح احنا نحطم السور ونخلي الذيا به تدخل ..
قناص	لا ارجوكم عنزاتي خرفاني .
قاسم	ارجوكم سامحوني توبه خلاص انا تبت .
صالح	لازم يحصل عقابه .
حمد	نعم لازم انعاقبه .
	عيل احنا بترك امرك للأطفال ..

نجمة

حمد

جاسم

نجمة

المهم ان قريتنا قرية الزهور ارجعت للسلام والامن والمحبه .
انا اقول عقاب قناص انحنا نطرده من القرية في هالليل ونشوف
ايش بيكون مصيره .
عيل يالله اذلف عن وجهنا (يخرج قناص وتابعه شديد)
شكراً لكم ولمساعدتكم لنا ..

(اغنية الختام)